

Den e categoria bou di 4 miyon pasahero di America:

Aeropuerto di Aruba ta gana prome premio pa excelencia den Airline Marketing



ORANJESTAD – Aruba Airport Authority N.V. (AAA) ta hopi orguyoso pa anuncia su premio mas recien: Ganado di Routes Airport Marketing Award 2013 den e categoria bou di 4 miyon pasahero di America! AAA a wordo nomina mas trempa hunto cu Lynden Pindling International Airport (Nassau) cu a ricibi e premio Highly Commended, Alejandro Velasco Astete International Airport (Cuzco), Hewanorra International Airport (St Lucia) y Owen Roberts International Airport (Grand Cayman).

E award ta bin acerca di e

“Highly Commended” y status di runner-up di e World Routes Awards ricibi na Abu Dhabi na 2012.

Esaki ta di dos biaha cu AAA a resulta como ganado di e award prestigioso aki, como cu na 2010 tambe AAA a ricibi e award pa “Excelencia den Airline Marketing di Routes’ Americas Conference na Lima, Peru den e categoria Centro America y Caribe. E “Routes Awards” anual ta hopi importante y ta wordo considera como e award mas valioso den e industria door cu esnan cu ta vota y husga ta e comunidad di “airline network planning”.

Nan ta brinda e comunidad di aerolineanan cu e oportunidad pa expresa nan mes riba cua aeropuerto den nan opinion ta brinda e miho servicio di airline marketing general na nan, sea e ta tocante nan relacion en particular, resultadonan efectivo, provision di data y informacion of tecnicanan innovativo pa establece rutanan nobo of mantene y desaroya rutanan existente. “Nos no kier zona arogante, pero nos tabata hopi sigur di



nos esfuersonan den airline marketing di aña pasa y tabatin e presentimento cu e aña aki e premio lo ta pa nos! E ta un exito fantastico pa nos team di mercadeo y e ta muestra e aprecio di e aerolineanan pa nos acercamento pro-activo consistente na nos partnernan di industria principal. E nominacionnan y awardnan ta

importante pa nos por monitorea con nos ta para compara cu e competencia, mirando cu tur aeropuerto ta haci todo lo posibel pa conquista e industria di aerolineanan.

E award aki ta un bon manera pa nos por tin un reconocimiento cu credibilidad cu nos por orguyosamente comparti

cu nos clientenan y otro stakeholders,” asina Peter Steinmetz, CEO di AAA a bisa. Den e potret por aprecia e Head Airline Marketing JoAnne Arends hunto cu Business Unit Manager Terminal Barbara Brown cu orguyosamente ta muestra e award ricibi na Cartagena, Colombia di-aluna ultimo. □